

Transkript sa konferencije za medije međunarodnih organizacija



*OHR, Chris Bennett
ICTY, Matias Hellman
EUFOR, Achim Winkler*

OHR

Visoki predstavnik/specijalni predstavnik Evropske unije u Rimu

Visoki predstavnik i specijalni predstavnik Evropske unije Christian Schwarz-Schilling danas putuje u Rim da bi razgovarao sa višim zvaničnicima Ministarstva vanjskih poslova Italije.

Ova posjeta predstavlja dio turneje po ključnim glavnim gradovima prije narednog sastanka Vijeća za implementaciju mira, koji je zakazan za 26. i 27. februar.

Sutrašnji razgovori će se fokusirati na trenutnu političku situaciju u Bosni i Hercegovini; zapreke potpisivanju Sporazuma o stabilizaciji i pridruživanju sa Evropskom unijom, tj. posebno restrukturiranje policije i reformu javnog rtv. servisa; ekonomске reforme i formiranje vlasti.

Cilj je da se prije februarskog sastanka Vijeća za implementaciju mira, na kojem će se donijeti konačna odluka o

zatvaranju Ureda visokog predstavnika, utvrdi konsolidirani stav.

Visoki predstavnik i specijalni predstavnik Evropske unije će, na osnovu ovih konsultacija, sredinom februara poslati Vijeću za implementaciju mira svoju procjenu i preporuku oko budućnosti OHR-a.

Gospodin Schwarz-Schilling se zalaže za opsežnu procjenu uslova u Bosni i Hercegovini i širem regionu, a ne samo potvrdu odluke Vijeća za implementaciju mira iz juna 2006. godine.

Visoki predstavnik i specijalni predstavnik Evropske unije je otpočeo svoje konsultacije sa članovima Vijeća za implementaciju mira prije februarskog sastanka Vijeća za implementaciju mira u Berlinu. Od tada je održao sastanke u Parizu i Briselu. Ovi sastanci su pokazali da u glavnim gradovima članica Vijeća za implementaciju mira dijele bojazni gospodina Schwarza-Schillinga u vezi sa situacijom, a kao rezultat toga zadržavanje bonskih ovlasti i nakon sredine 2007. godine sada predstavlja ozbiljnu opciju.

Schwarz-Schilling apelirao na parlamente da usvoje zakone koje su usvojili visoki predstavnici

Visoki predstavnik i specijalni predstavnik Evropske unije Christian Schwarz-Schilling je pozvao sve zakonodavne vlasti da usvoje odluke koje su donijeli raniji visoki predstavnici. To je dio procesa izrade koncepta domaće odgovornosti za budućnost ove zemlje.

Pravno, svi zakoni koje je usvojio visoki predstavnik su na snazi na privremenoj osnovi – dok ih ne usvoje relevantni organi vlasti u istom obliku.

Drugim riječima odluka koju donese visoki predstavnik se ne

može dopunjavati, poništiti ili mijenjati na bilo koji način dok je ne usvoji relevantno zakonodavno tijelo.

Pošto su ovi zakonski propisi već na snazi ništa se ne gubi njihovim usvajanjem. Ustvari to predstavlja jedini način njihove izmjene.

Visoki predstavnik je u svom pismu ohrabrio nove parlamente i skupštine "da što je prije moguće usvoje ove pravne akte".

"Time ćete uputiti jasan signal i međunarodnoj zajednici i glasačima da mijenjate osnovne postavke rada lokalnih organa vlasti u Bosni i Hercegovini," napisao je.

Spisak [Odluka](#) koje treba usvojiti svako zakonodavno tijelo je dat u umnoženom materijalu preda mnom.

ICTY

Želim svima dobar dan u ime Haškog tribunala. Biću kratak jer nemam danas posebne vijesti ili najave.

Pretpostavljam da su svi vidjeli naše saopštenje od prošle srijede u vezi sa priznanjem krivice Dragana Zelenovića. Za zainteresovane imam na domaćem jeziku kopije sporazuma o izjašnjavanju o krivici i priložene izjave o činjenicama. Dragan Zelenović je lično potpisao oba dokumenta.

Odštampao sam i nekoliko primjeraka našeg najnovijeg sedmičnog pregleda aktivnosti. Podsjećam da će moja kancelarija vrlo rado zainteresovanim novinarima dostaviti dokumente sa spiska najnovijih podnesaka.

To je sve od mene, ako neko ima pitanja, pokušat ću da odgovorim.

EUFOR

Nema izjave.

RTQs

Novinar #1:

Za gospodina Bennett-a jedno pitanje. Da li je tačna informacija da je Vijeće za implementaciju mira donijelo odluku o prestanku mandata visokom predstavniku 30. juna i da je on nezadovoljan njegovim radom?

Chris Bennett, Ured visokog predstavnika:

Nema odluke od Vijeća za implementaciju mira, ali Christian Schwarz-Schilling će medijima dati svoju izjavu o ovome u toku dana. On nije još na putu i on će u toku dana, prije nego što ode u Italiju, dati izjavu o ovome.

Novinar #2:

Da li će dati saopćenje ili će održati konferenciju za medije?

Chris Bennett, Ured visokog predstavnika:

On će dati jedno saopćenje.

Novinar #1:

Ako nema odluke, povodom čega će dati saopćenje?

Chris Bennett, Ured visokog predstavnika:

On će dati saopćenje povodom ove priče. On će tačno objasniti kakva je situacija, ali nema odluke Vijeća za implementaciju mira.

Novinar #1:

A da li ima nečije druge odluke, ako za sada nema odluke od Vijeća za implementaciju mira?

Chris Bennett, Ured visokog predstavnika:

Ustvari, ovo je ipak pitanje za Christian Schwarz-Schilling-a.

Novinar #2:

Da li se može znati tačno vrijeme kada će to biti?

Chris Bennett, Ured visokog predstavnika:

Mi ćemo biti u kontaktu sa medijima o ovome.